



Недѣля о мытарѣ и фарисѣе.

В субботу вечера, по предначинательном псалме, стихословим Блажен муж: 1-ю кафисму всю.

НА ГОСПОДИ ВОЗЗВАХ, ПОСТАВИМ СТИХОВ 10:

и поем Осмогласника стихиры воскресны – 3: и анатолиевы – 4:

и Триоди самогласны две, повторяюще первую Глас 1.

8. Стих: Яко у Господа мѣлость и многое у Него избавлѣние:/ и Той избавит Израиля от всѣх беззаконій его.

9. Стих: Хвалите господа вси языцы,/ похвалите его вси людие.

Не помóлимся фарисейски, брáтие:/ ибо возносяй себе смири́тся./ Смирím себе пред Бóгом,/ мытарски пощѣнием зовúще:// очисти ны Боже, грѣшныя. **Дважды.**

10. Стих: Яко утвердися мѣлость Его на нас,/ и истина Госпóдня пребывáет во век.

Фарисѣй тщеславием побежда́емь,/ и мытарь покаянием приклоня́емь,/ приступи́ста к Тебе единому Влады́це:/ но оубо похвали́вся, лиш́йся благíх:/ óв же ничтоже вещав, сподобися даровáний./ В сих воздыханиих утверди мя Христе Бóже,// яко Человеколю́бец.

Слава Триоди, глас 8:

Вседержителю Гóсподи,/ вѣм, колико могут слѣзы:/ Езекию бо от врат смѣртных возведóша,/ грѣшную от многолетних согрешений избáвиша,/ мытаря же паче фарисеа оправдáша:// и молюся, с ними причтав, помíлуй мя.

И ныне, Догматик гласа.

Прокімен воскресный: Господь воцарися, в лепоту облечеса.

НА ЛИТИИ

стихира святого обители, по обычаю.

Слава триоди, глас 3:

Мытаря и фарисеа различие разумевши душе моя, / онаго
убо возненавиждь гордынный глас, / онаго же ревнуй
благоуმიленной молитве, и возопий:// Боже очисти мя
грешнаго, и помилуй мя.

И ныне, Богородичен воскресен, в тойже глас.

НА СТИХОВНЕ

Стихиры Октоиха.

Слава тироди, глас 5:

Отягченныма очима моима от беззаконий моих, / не могу
воззрети и видети высоту небесную: / но прими мя, яко
мытаря кающася, Спасе, // и помилуй мя.

И ныне, Богородичен, в тойже глас:

Храм и дверь еси, палата и престол Царев, / Дево Всече-
стная, Еюже Избавитель мой Христос Господь, / во тме
спящим явися, / солнце сый правды, просветити хотя, / яже
сзда по образу Своему рукою Своею: / темже, Всепетая,
яко матерне дерзновение к Нему стяжавши, // непрестанно
моли спастися душам нашим.

Богородице Дево Трижды.

И бывает благословение хлебов, и раздаяние. И чтение велие
в Посланиих апостольских.

Последование прилучившагося святаго в Неделю сию, и в блуднаго, поем в пяток на Повечерии, или егда ектисиарх разсудит: аще токмо не случится коего великаго святаго, или святаго храму: зане храм и не великаго святаго, больши впоследствии великаго святаго, на свой ему храмный праздник, еже должно есть бдению бывати, и никакоже оставляти в память его, ниже прелагается на ин день. Но поем службу храму, якоже и Сретению Господню, во вся дни, в няже и Сретение Господне бывает.

НА УТРЕНИ,

по шести псалмех, Бог Господь, на глас Осмогласника. И глаголем тропарь воскресен дважды: Богородичен единожды, и обычная стихословия. Седальны Осмогласника. По Непорочных тропари: Ангельский собор: ипакои. Степенны и прокимен гласа: Всякое дыхание: Евангелие воскресно ряду. Воскресение Христово: псалом 50.

Слава, глас 8: Покаяния отверзи ми двери Жизнодавче, утренюет бо дух мой ко храму святому Твоему, храм носяй телесный весь осквернен: но яко щедр, очисти благоутробною Твоею милостию.

И ныне, Богородичен: На спасения стези настави мя Богородице, студными бо окалях душу грехми, и в лености все житие мое иждих: но Твоими молитвами избави мя от всякия нечистоты.

Таже, глас 6: Помилуй мя Боже, по велицей милости Твоей, и по множеству щедрот Твоих, очисти беззаконие мое.

Множества содеянных мною лютых, помышляя окаянный, трепещу страшнаго дне суднаго: но надеяся на милость благоутробия Твоего, яко Давид вопию Ти: помилуй мя Боже по велицей Твоей милости.

Канон воскресен Осмогласника, со ирмосом на 4, и кресто-воскресный на два, и Богородицы на два: и в Триоди на 6. Творение Георгия. Егоже краестрочие в Богородичнах: Георгия, глас 6:

Катавасия Триоди, глас 4: Песнь 1:

Катавасия 1: Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Тоя чудеса.

Песнь 3:

Катавасия: Твоя песнословцы, Богородице, / Живый и Независтный Источниче, / лик себе совокупльшия, духовно утверди, / в Божественней Твоей славе // венцев славы сподоби.

Песнь 4:

Катавасия: Седяй в Славе / на Престоле Божества / во облаце легце, / прииди Иисус Пребожественный, / Нетленною Дланию / и спасе зовущия: // слава, Христе, силе Твоей.

Песнь 5:

Катавасия: Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя // мир подавающая.

Песнь 6:

Катавасия: Божественное сие и всечестное / совершающе празднество, / Богомудрии, Богоматере, / приидите, руками восплещим, // от Нея рождагося Бога славим.

Кондак, глас 4. Подобен: «Явился еси днесь»:

Фарисеева убежим высокоглаголения, / и мытареве научимся высоте глагол смиренных, / покаянием зывающе: / Спасе мира, // очисти рабы Твоя.

Ин кондак, глас 3. Подобен: Дева днесь:

Воздыхания принесем мытарская Гóсподеви,/ и к Нему приступим грешнии яко Влады́це:/ хочет бо спасения всех челове́ков,/ оставление подает всем ка́ющимся./ Нас бо ради воплоті́ся, // Бог сый Отцú собезначальный.

Песнь 7:

Катавасія: Не послужи́ша тва́ри Богому́дрии/ па́че Созда́вшаго,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бо́г, благословен еси́.

Песнь 8:

Хва́лим, благослови́м, покланя́емся Гóсподеви, пою́ще и превозно́сюще во вся ве́ки.

Катавасія: О́троки благочесті́выя в пе́ци/ Рожде́ство́ Богоро́дичо спасло́ есть;/ тогда́ у́бо образу́емое,/ ны́не же де́йствуемое,/ вселенну́ю всю воздвиза́ет пе́ти Тебе́:/ Гóспода по́йте, дела́, // и превозносите Его́ во вся ве́ки.

Песнь 9:

Катавасія: Всяк земноро́дный/ да възыгра́ется, Ду́хом просвеща́емь,/ да торжествует же Безплóтных умóв естество́,/ почита́ющее священное торжество́ Богома́тере,/ и да вопи́ет:/ ра́дуйся, Всеблаже́нная, // Богоро́дице, Чи́стая Присноде́во.

НА ХВАЛИТЕХ

Стихиры воскресны Осмогласника, 4.

**И Триоди самогласны – 4
глас 1:**

5. Стих: Хвалите Его́ в тимпане и лице,/ хвалите Его́ во струнах и органе.

Не помóлимся фарисейски, брáтие:/ ибо возносяй себе смири́тся./ Смирим себе пред Бóгом,/ мытарски пощением зовúще:// очисти ны Боже, грéшныя.

6. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Фарисей тщеславием побеждаемь,/ и мытарь покаянием приклоняемь,/ приступиста к Тебе единому Владыце:/ но оубо похвали́вся, лиш́йся благих:/ оубо же ничтоже вещав, сподобися даровáний./ В сих воздыханиих утверди мя Христе Боже, // яко Человеколюбец.

Глас 3:

7. Стих: Воскресни Господи Боже мой, да вознесется рука Твоя, не забуди убогих Твоих до конца.

Мытаря и фарисеа различие разумевши душе моя, онаго убо возненавиждь гордынный глас: оваго же ревнуй благоумиленной молитве, и возопий: Боже, очисти мя грешнаго, и помилуй мя.

8. Стих: Исповемся Тебе Господи, всем сердцем моим, повем вся чудеса Твоя.

Фарисеа велехвальный глас, вернии возненавидевше, мытаревой же благоумиленной молитве поревновавше, не высокая мудрствуем, но себе смиряюще со умилением воззовем: Боже, очисти грехи наша.

Слава, глас 8:

От дéл похвалéньми,/ фарисеа оправдающа себе осудил еси Гóсподи,/ и мытаря́ смири́вшася,/ и воздыхáньми очищения просяща оправдáл еси:/ не внимаеши бо веле-

мудренным помыслѡм,/ и сокрушенная сердца не уничижаеши./ Тѣмже и мы Тебе припадаем во смиреніи,/ пострадавшему нас ради:// подаждь оставление и велию милость.

И ныне: глас 2 [разметка на подобен «Егда от древа»]:

Преблагословѣнна еси, Богородице Дѣво,/ Воплощшимъ бо ся из Тебе ад пленіся,/ Адамъ воззвася,/ клятва потребіся,/ Ева свободіся,/ смерть умертвися, и мы ожихом./ Темъ воспевающе вопиѣм:/ благословенъ Христѡсъ Бог, // благоволиши тако, слава Тебе.

Славословіе великое и отпуст. И обычно литіа в притворѣ, в нейже поем: Слава, и ныне: стихирѣ утреннюю евангельскую. И часъ первый.

Подобаетъ ведати, яко стихирѣ вся 11 утреннія евангельскія, от сея настоящія Недѣли, и даже до Всехъ святыхъ, на литіахъ утреннихъ поются в притворѣ, на Слава, и ныне.

Вестно же буди, яко от сея Недѣли начинаемъ чести в притворѣ, по отпустѣ литіи, оглашения святаго отца нашего Феодора Студита. И аще тамо есть игуменъ, чтутся от него: аще же ни, то от еклисиарха, стоящимъ, и со вниманіемъ слушающимъ братіямъ.

По скончаниі же чтенія глаголемъ тропарь преподобному Феодору, глас 8: Православіа наставниче: безъ Богородична.

Тропарь, глас 8:

Православіа наставниче,/ благочестія учителю и чистоты,/ вселенныя свѣтільниче, монашествующихъ Богодухновенное удобреніе,/ Феодоре премудре, ученьми твоими/ вся просветилъ еси, цевнице духовная, // моли Христа Бога спастися душамъ нашимъ.

И совершенный отпуст.

НА ЛИТУРГИИ

блаженны Осмогласника: и от канона песнь 6.

Прокимен прилучившагося гласа.

Причастен: **Х**валите Господа с Небес:

Подобает ведати, яко в сей седмице иномудрствующиe содержат пост, глаголемый арцивурьев. Мы же, [монаси] на кийждо день [се же, и в среду и пяток:] вкушаем сыр и яйца, [в 9 час.] Миряне же ядят мясо, развращающе оных веление толикия ереси.

Аще случится праздник Сретения Господня в субботу мясопустную, служба умерших поется в гробнице вся, вечер и утро: аще ли несть гробницы, то поется в сию субботу пред Неделею о блуднем: а тамо в субботу мясопустную, точию празднику единому поется.